

11. gr.

Árlega skal stjórn Byggingaþjónustunnar á fulltrúaráðsfundi taka fyrir þessi mál:

1. Skýrsla stjórnar.
2. Grein gerð fyrir fjárhag stofnunarinnar og rekstri síðast liðið reikningsár.
3. Starfsáætlun kynnt.
4. Önnur mál.

12. gr.

Stjórnin getur boðað til fundar með aðilum fulltrúaráðsins, þegar hún telur þurfa.

13. gr.

Til allra funda skal boða bréflega með viku fyrirvara.

14. gr.

Framkvæmdastjórinn semur reikninga Byggingaþjónustunnar árlega og skulu þeir endurskoðaðir af tveim endurskoðendum. Skal annar vera löggiltur endurskoðandi, sem stjórnin ræður til verksins, en hinn skal kjörinn af fulltrúaráðinu. Kjör-tímabil hans skal vera 4 ár. Löggilti endurskoðandinn skal ráðinn til 4 ára.

Reikningsár stofnunarinnar er almanaksárið.

15. gr.

Tillögu til breytinga á skipulagsskrá þessari eða tillögu um að leggja Byggingaþjónustuna niður skal komið á framfæri við stjórn Byggingaþjónustunnar, sem skal taka tillöguna svo fljótt sem verða má til athugunar á fullskipuðum stjórnarfundum. Samþykki meiri hluta stjórnar tillöguna skal hún þegar í stað send fulltrúaráðinu, sem tekur hana til meðferðar svo fljótt sem verða má. Ef minnst $\frac{2}{3}$ hlutar fulltrúaráðsmanna eru mættir á slíkum fundi og $\frac{2}{3}$ hlutar fundarmanna a. m. k. samþykkja tillöguna fær tillagan gildi.

16. gr.

Nú ákveður fulltrúaráðsfundur samkvæmt 15. gr. að leggja stofnunina niður og skulu eignir stofnunarinnar renna til rannsókna í þágu íslenska byggingariðnaðarins eftir því sem nánar verður ákveðið í tillögunni til slita á stofnuninni.

17. gr.

Leita skal staðfestingar forseta Íslands á skipulagsskrá þessari.

6. mars 1979.

Nr. 170.

Staðfesting forsetans á skipulagsskrá fyrir Styrktarsjóð Svövu Finsen, útgefin á venjulegan hátt að mandatum af dómsmálaráðherra 6. mars 1979.

Skipulagsskráin er þannig:

SKIPULAGSSKRÁ

fyrir Styrktarsjóð Svövu Finsen.

1. gr.

Sjóðurinn heitir styrktarsjóður Svövu Finsen. Hann er stofnaður af Gísla Finsen til minningar um eiginkonu sína Svövu Finsen.

2. gr.

Stofnfé sjóðsins er kr. 1 000 000.00, ein miljón krónur, sem haldast skal óskert. Sjóðinn skal ávaxta með vaxtaaukaskírteinum eða á annan jafntryggan og arðbæran hátt.

3. gr.

Tekjur sjóðsins eru vaxtatekjur af stofnfé og öðru fé, sem sjóðnum áskotnast. Gjafafé skal leggja við stofnfé.

4. gr.

Tilgangur sjóðsins er að veita árlega styrk einum nemanda, sem lýkur burtfararprófi frá Myndlista- og handiðaskóla Íslands. Styrknum skal varið til utanferðar, í því skyni að skoða listasöfn, sýningar eða annað sem auka megi þroska og viðsýni í listgrein hans.

Við styrkveitingu skal taka mið af námsárangri nemandans og listrænum hæfileikum, að dómi sjóðsstjórnar. Styrkinn skal veita án umsóknar.

5. gr.

Skólastjóri er forráðamaður sjóðsins og skólastjórn úthlutar styrknum árlega samkvæmt 4. gr.

6. gr.

Sjóðsstjórnin semur árlega reikning sjóðsins. Skal hann endurskoðaður af endurskoðun ríkisins og birtur í B-deild Stjórnartíðinda.

7. gr.

Leita skal staðfestingar forseta Íslands á skipulagsskrá þessari.

Nr. 171.

REIKNINGUR**Styrktarfélags vangefinna Austurlandi.****Rekstrarreikningur fyrir árið 1975.****Gjöld:**

Funda- og ferðakostnaður	kr.	64 390.00
Póstur og sími	—	20 397.00
Pappír, prentun og ritföng	—	28 729.00
Auglýsingar	—	21 860.00
Tekjuafgangur	—	1 034 111.00

Samtals kr. 1 169 487.00

Tekjur:

Árgjöld	kr.	39 600.00
Merkjasala	—	135 144.00

Framlög og styrkir:

Frá sveitarfélögum	kr.	90 700.00
Frá Lionsklúbbum	—	766 823.00
Frá öðrum félögum	—	55 000.00
Minningagjafir og áheiti	—	29 100.00

Vextir	—	941 623.00
	—	53 120.00

Samtals kr. 1 169 487.00